

盤山志



卷五十六

盤山志卷之五

盤山志

卷之五



靈囿入山者亦得隨地憇息洒然淡其榮利之心豈

必驚嶺鷄山始稱法窟青城小有乃號洞天耶

達於

聖代布金之地檐宇像設具諸莊嚴隔雲鐘磬聲晨夕

達於

靈囿入山者亦得隨地憇息洒然淡其榮利之心豈

必驚嶺鷄山始稱法窟青城小有乃號洞天耶

盤山志

卷之五

一

寺山中寺與菴多互稱故菴亦統於寺

感化寺魏田疇隱處舊名寶積寺唐貞元中建太和

咸通間道宗常寶二沙門重脩後道士居之改為

上方元宮至遼乾統七年幽州主帥清河張某奏

請易為感化寺明天順八年壬午僧寶峰德聚又

脩之成化十一年甲午敕賜廣濟寺額

國朝乾隆十年重建於舊基之西一里許

賜敕脩感化寺額大殿恭懸

御書妙光演教匾椽題藻麗境地爽塏傍近

宮壩靄延翠屬山中蘭若雖多此稱首刹矣
南并上方感化寺碑記西聖人教既一唱而東也
應而和者其徒半天下是以城閭邑聚塔廟日興
後數百年競相高以奢麗有大苾芻衆樂諸阿蘭
若巘居野處如鷲峰鹿苑者比比而是方之城邑
則又過焉漁陽古郡之西北麓岫迤邐其勢雄氣
秀曰田盤山岡巒倚疊富有名寺而感化者舊號
元宮物無常名事窮則變會幽州主帥清河張公
奏請之故因以是額易其前號獨亢爽清勝確乎
不移既肘腋乎絕巘又襟袖於列刹故自往昔目
為上方非諸信舍財而附益高流擇地以來集則
何以增崇垂遠至於是哉魏太和十九年無終縣
民田氏茲焉營辦唐太和咸通間道宗常實二大
師前季後昆繼踵而至故碑遺像文跡具存爾後
人多住持處亦成就布金之地廣在山麓法堂佛
宇敞乎下禪竇經龕出乎上松杪雲際高低相望
居然緇屬殆至三百自師資傳衣而後無城郭乞
食之勞以其創始以來占籍斯廣埜有良田百餘

頃園有甘栗萬餘株清泉茂林半在疆域斯為計久之業又當形勝之境宜乎與法常住如山不寤是使居之則安不為爭者所奪奈何太康初鄰者侵競割據巖壑鬪諍堅固適在此時徒積訟源久不能決先於薊之屬縣三河北鄉自乾亨前有莊一所闢土三十頃間藝麥千畝皆原隰沃壤可謂上腴營佃距今積有年權利資日用衆實賴之大安中燕地遺括天荒使者馳至按視厥土以募民所首謂執契不明遂圍以官封曠為牧地吞我林

麓既如彼廢我田壤又若此使庖舍缺蒸薪之供齋堂乏餅餌之給可歎香火而至於是寺僧法雲暨法道次言及衆曰先世有所遺籍吾儕不能嗣守亦空門之不肖者也安忍坐受其弊拱默而已相與詣闕陳訴歷官辯論一旦得直其誣兩者復為所有尋奉上命就委長吏辯封立表取舊為定自是樵爨耕穫之利隨用而足以小大協力始終一心而令釋氏家肥不減疇昔赫矣能事於前有光雖汶陽歸已侵之疆興平還既奪之地不是過

也乾統六年冬老比丘崇簡與前薊州管内都綱
提點寺事沙門士賢元悟上座僧士侃都知僧圓
淨等以始末紀石為請會余有故不果頃又走書
來速文勒至再三豈可無述夫藏用於形跡者莫
妙於理智顯用於事為者莫大乎勢力佛之道理
與智也宏之在人勢與力也若茲寺者像設攸在
法相所寄智與形會理隨事集向內不資徒侶之
力外不託王臣之勢則有所廢矣孰能興之今豪
奪者止誣取者與使禪支律裔保有其業良以此

盤山志

卷之五

四

也後之補處是者其念之乎乾統七年春正月元
日

王澤弘過感化寺詩山行雨後氣如秋廢寺殘僧
亦勝游密樹龍從羣鳥寂層巒環抱一谿幽石橋
半側人牽馬梵磬無聲客倚樓歎息契丹碑尚在
白溝當日是紅溝

董邦達感化寺詩山幽勢盤紆綠麓轉平敞繅馬
正清秋意愜神彌爽巍巍祇陀林慧日炫金榜迦
陵流清音梵唱互發響仰面受和風散步得寬壤

何當良宵來層巔指月朗

顯天香寺舊名天香妙祥禪寺唐建延祐元年重脩
國朝乾隆九年重建於舊基之西北二里許

御題敕建天香寺

寺一殿天香寺界當翠屏峯之巔

賜無上法味匾楊柳外曉風殘月淨瓶中白日青天聯
寺枕巘依麓為棲禪勝地門外疎林淺渚行徑絕
幽與感化並占平遠之勝

查曦天香寺客夜偶成暮入天香寺蒼然山靄濃
悠悠白沙澗黯黯微峰忽見僧廊月高懸佛殿

盤山志

卷之五

五

松相看情不寐吟斷下堂鐘

董邦達天香寺詩清流界塵氛翠壁歌林木法雲
深黯黯縹緲菴佛屋蔭菑蔚一林心香幾地肅豈
執鏡中象寧戀桑下宿意行緬千峰屢至樵徑熟
悠然證靜因妙取憚幽獨

顯天成寺舊名福善寺一題天成法界當翠屏峰之陽
圖陳俯瞰林壑天成圖畫因

賜敕建天成寺額寺門有樓匾曰江山一覽大殿匾曰

清淨妙因皆

蘇民雨

宸翰也

潘入立盤果於開闢家奇筆品大節福林門卷

御製遊盤山記勒碑於此詩篇摩厓凡四處彩碧之輝

耀於邃谷寺西南有普化和尚塔基普化唐人寺

疑唐建

宋曾致齋筆談中韓空香雨對影數眼

國朝康熙中僧雲聯重脩有古佛舍利塔飛帛澗涓涓

泉徹公塔山前有下天城原屬寺中果園有斷碑

載大遼天城福善寺贖舊業栗園事又有斷石幢

載嚴壽天祐皇帝云云

李及秀游天城寺詩淙淙幽谷裡寶塔起峻嶒醒

盤山志

卷之五

六

世風千鐸傳心夜一燈石屏連嶂合雪瀑亂泉崩

鳥雀忘機智空階自陟登

洪昇題天城寺詩雲抱壙形孤天垂壁面削兩山

當寺門一水瀉厓脚

梁洪天城寺詩環寺山如堵叅天壙似峰上盤從

此入高衲未曾逢積翠煙中薄空香雨後濃還期

登絕頂努力一支筇

香外味尚卷普外歌入香

孫才衡至天城寺詩入山不數里舉首見天城峭

京簾壁衝人立遙泉伏澗鳴客停牽馬力僧訝打門聲

千聊得須臾坐芒屨步步輕
張朝琮天城寺詩籃輿遠探幽巘勝翠接長松架
短橋亂疊懸厓雲鎖額遙噴飛瀑玉垂腰碑從何
代理青草塔自中峰上碧霄邱壑有懷慙未遂石
蹊蘿磴暫相招

李錯天成寺詩束髮牽世網衰謝仍漂搖往迷泥
塗步今迴塵外鑣遣此殷憂懷况值芳春朝靈區
貢隈隩淨域棲寂寥飛軒面空翠丹壁摩青霄肅
肅山翟飛趯鼯鼠跳墀鈴語真唄松雪灑驚颺

盤山志

卷之五

七

萬化無端倪無生自逍遙委形誠斯須揮手謝松
喬

薩哈岱天成寺次韻詩世界回看眼欲空上方有
境許相通孤峰拔地非人境傑閣凌雲妙化工煙
抹千林殷晚翠日斜半嶺掛秋紅古今勝跡神仙
宅多在山僧指點中

德意過天成寺詩塔影穿幽壑晴嵐疊翠屏天成
橋畔路曲折入浮青
千相寺一名祐唐寺唐開元中建遼統和五年希悟

大師重脩相傳昔有尊者挈杖遠至求植足之所
僧室東北隅巖下有澄泉忽見千僧洗鉢瞬息而
泯後於谿谷礪石之面刊千佛像明正統中僧行
明重葺

國朝乾隆十年

敕脩大殿懸

御書雨花福地區寺後有搖動石又有洞曰契真懸山
遇隱士處也

李仲宣祐唐寺勅建講堂碑記夫幽燕之分行郡

盤山志

卷之五

八

有四薊門為上地方千里簷冠百城紅稻青稈實
魚鹽之沃壤襟河控嶽當旂戟之輿區於古堞之
外西北一舍有盤山者乃箕尾之巨鎮也深維地
軸高闢天門暎碧疑霄寒青罄海珠樓璇室仰宵
窗窳於崑邱寶洞瓊臺耀磅礴於衡嶽崆峒左倚太
行右連懷珠之水派其陽削玉之峰峭其後嶺上
時興於瑞霧谷中虛老於喬松竒樹珍禽異花靈
草絕頂有龍池焉向早歲而能興雷雨巖下有潮
井焉依旦暮而不虧盈縮於名山之內最處其嘉

此境舊有五寺祐唐者乃備其一自昔相傳有尊者挈杖遠至求植足之所僧室東北隅巖下有澄泉恍惚之間見千僧洗鉢瞬息而泯因茲構精舍宴坐矣厥後於谿谷礪石之面刻千佛之像而以顯其殊勝也雖雨漬苔斑瞻儀相而猶在陽舒陰慘流善譽而不墮向此藍垣之北長松之下有大石焉重萬餘鈞或遇信敬者微觸而動迄今游閱之士冠蓋相望四序不絕於阡陌也當昔全盛之時砌疊龍蟠簷排鳳翅晨鐘暮磬上聞兜率禪宗

律學究是祇園駢闐可類於清涼赫奕遙同於白馬乃法侶輻輳之鄉也爰自大兵之後並已燼滅由謂物不可以久廢故亨利於德人德人者即寺主大德乃當寺之景派也厥本惟喬其神不測苦隨念盡樂與人同化六趣之忙然歸十方之安隱享年臘末晚昌行業彌高既多有續之聞宜示無窮之續寺主大德俗姓瑯琊氏釋諱希悟鎮陽夏博人也爰自聚沙之歲禮當寺寺主在楚禪師授法焉剿除五蓋慕別四生舍慾棹而誓泛慈舟棄

毒藥而願食甘果年二十詣長興寺具尸羅由啟
宏願延僧一十萬次第竟矣於是謂其友曰聞二
儀舒慘四序推遷人生幾何歲不我與覽斯基址
孰忍淒涼桀虜羣麀晝夜而草眠香徑壞碑毀塔
高低而蔓掛藤蘿玉毫消盡於華鬢金磬罷聞於
齋馱上漏下濕日就月將徐興再造之心爰起從
新之務於是乎手披榛棘力用經營移怪石而截
斷雲根伐灌木而摧折煙色應歷十二年化求財
責蓋佛殿一座欒櫺娟妙丹護鮮新塑佛中央圖

像四辟保寧四年又建厨庫僧堂二座俾饜飴之
有所作也賓旅之有所歸也乾亨二年加授紫衣
戴議門迎廣陌地處幽涼雲生肇之徒見臨顧講
讚之所交闕乃於僧室之陰疊磷磷之石澮瑟瑟
之泉高廣數尋駢羅萬樹薙除沙礫俯就基坳而
又請邑人醵緡賂四遠之最樂施者如介甲之歸
巨浸也即乃市木靈嶠采石煙爨窮斤斧之功極
磨礪之妙初心才啟大廈攸成式導昏衢彌光世
德其堂也保寧十年勅建帶雲川之渺渺總遠岫

之峩峨東觀種玉之田西揆築金之闕蘭楹鏤彩
桂柱凝丹月入秋窓風含夏戶簷外之杉松郁鬱
檻前之煙水潺湲所貴安苾芻僧置狻猊座高談
玉偈然慧炬而絕煩惱薪妙演金文揮智刃而剖
無明癡長依佛住永登山門對延靈鷲之峰闡說
瑜伽之旨此乃邑人等心猶慕善志乃忘筌知浮
生石火以難停覺幻質風煙而易滅各抽淨施共
構良因即寺主希悟大德激勸之所致也緣惠之
所被也厥外井有甘泉地多腴壤闢栽珍果棋布

蔬畦清風起兮綠幹香細雨霽兮紅葵茂載諒鴻
基必葺白足咸來其供給之費恒不闕於祇瞻者
大德寺主力辦也蓋惟寺主大德道洽空有識洞
幽冥全資化導於多方以至圓成於能事所冀皇
朝永安神業矣相國長調鼎膺矣京尹之仁無秬
稗矣郡牧之信及竹童矣一切含靈同沾利樂一
切惑溺並向真如爰述懿徽俾雕翠琰其邑人姓
號具列碑陰仲宣靡職之歲華構方成命脩辭以
序之序之伊何即為銘而記之銘曰峭壯靈峰剏

興華宇式開講肆用陳法侶物置人多利圓三寶
庶幾乎作善之祥傳名曠古統和五年歲次丁亥
四月八日
黃汝亨朝發盤山飯千像寺詩初日盤山爽氣侵
薄雲輕騎上高林石橫曉岫千巘競泉落秋濤萬
壑沉鳥道偶窮松下路僧家小隱澗邊陰胡麻飯
罷尋諸佛亂點山容散紫金

又游千像寺見典座僧以唐人斷碑礪砧作此寄
慨詩初日盤峰雨氣侵撥雲扶策上高林石能搖

盤山志

卷之五

十二

動思根性峰戴華紋作珥簪千佛番番風滿座數
僧莽莽土為音開元歎息殘碑字冷卻探竒名隱
心

袁宏道宿千像寺東鍾刺史詩詰曲崎嶇路皴秀
透瘦石飛巘鏽鐵花螺子點雲額平生米南宮耽
幽窮鬼迹石根搜古雲踏遍秋空碧豁眼見新巒
長嘯落巾幘貪看不知晚憇石布茵席回首神僊
吏青嶂達門闕侍史朝焚香秋雲幾回白稜稜怪
石供聊以施游客

孫廷銓千像寺同李坦園相國王思齋學士作晴
雪帶蒼巒松谿路幾盤礪鳴泉暗落巖立屋懸安
一杖千峰翠雙林萬木寒邗能堪累月清福近仙
壇

李霽游千像寺詩俯臨絕谷仰噴岼木杪行來路
幾盤亂石縱橫疑虎伏怪松詰曲學龍蟠飛梁澗
溜泠泠雨重閣天風冽冽寒卻恐山靈嫌俗客忍
拋嵐翠事征鞍

李鐸春夜宿千相寺作和壁間韻三首唐家佑唐

盤山志

卷之五

十三

寺乃在田盤陟更事頻興替功能見設施緊誰山
徧鑿維象法無關心賞長林曲天開洗鉢池 松
門行跡少石磴見觚稜歲久沈殘碣巖深護一燈
古人疑有託此教久相仍放眼千秋表危欄晚獨
凭 花宮踈磬夕雲亦宿閒堦塵眼真相刮春心
默已齋風煙留好夜詩句憶同儕自喜陶彭澤多
時遂雅懷

少林寺舊名法興寺至元壬午道士張志格等游盤
山居於此易其名為棲雲觀至正中巢雲威禪師

主之宣政院使脫公具奏賜額為北少林寺明成
化己丑寶峰德聚禪師重脩嘉靖丁亥又脩
國朝康熙中僧本住再葺乾隆十年

救脩大殿懸

御書禪指直趣匾寺東有紅龍池多寶佛塔下有石曰
菱角曰帳房曰蟒皆竒秀

李鎔自少林寺至西靜室詩老鶴欵密林猛虎蹲
伏莽黝黝亭午陰翠翠太空響曠懷無前期高興
肆獨往化城周大千維摩室方丈布毛證鳥窠

盤山志

卷之五

十四

有僧常樹樓
晝夜不下妙諦飛龍象儻非水精域焉啟鴻荒

想縱心以天游六鑿罷相攘

薩哈岱少林寺次韻詩羣峰蒼翠鎖秋空古寺憑
高野望通下界萬家煙火接浮圖百級鬼神工雲
沉遠壑泉流碧霜醉踈林葉染紅俯仰頓忘身世
感數聲清磬夕陽中

查曦少林寺道上望雲罩寺不至作見說盤峰頂
嵒嶇不可行石邊停竹杖天際望仙楹濟勝苦無
力尋僧空復情鶯花應笑客孤負玩山名

宋宗元少林寺詩路入中盤鳥道通雲開天半削
芙蓉松棚東折山當寺柏子西來日下春到此都
無塵世念何時得着去來蹤洞前花落諸峰靜隔
樹遙聞報曉鐘
德意至少林寺詩少林標寺額將謂到登封看取
三盤路知非五乳峰蒼煙凝紫蓋峭壁寫紅龍回
首長廊下松風報晚鐘

中盤寺在少林寺之北堦石高寒紺宇相接不知何
時勅建寶峰禪師脩有中盤二字明楊忠裕書寺

盤山志

卷之五

十五

前題詠石刻最多寺西北有華嚴洞

王澤弘過中盤寺詩盤山絕勝是中盤石磴崎嶇
欲到難千嶂煙雲迷日曉萬松冰雪護春寒峰依
紫蓋留仙跡泉汲紅龍供佛壇惆悵此生猶未隱
浮名底事戀長安

衛台瑞過中盤詩曠曠山氣昏躋險心頗憚回頭
矚巘谷已凌山之半磔卓遞嶙峋起伏跡未斷有
松皆竒絕無峰不可翫寓足筋力疲放眼雲竇亂
短筇歷潭壑扶之勞雙腕初疑黛色濃忽覺雲形

換努力過前山流連恐日宴
宋宗元中盤寺詩中盤山與上盤通山寺盤空路
幾重峭壁峻增擎紮盖幽泉噴薄走紅龍殿前陰
合三珠樹門外雲橫半嶺松便擬支筇凌絕頂華
鐘廳徹最高峰
上方寺在嵯峨峰東唐太和二年戊申僧道宗結茅
於此瓦屋數楹鐘魚寮寂

國朝乾隆十七年

賜帑脩建紅牆碧瓦炳煥巖谷佛殿中懸

盤山志

卷之五

十六

御書雲濤花雨匾石潤蒼苔皆佛性松搖晴籟有禪機
聯寺東西列靜室二址尚存又有喝斷石雲根石
亦瑰瑋

土無名氏游上方寺詩名山初到似曾來古寺無僧
徧綠苔頗訝石黥厄漢律豈知松劫遇秦灰澗中
窺塏疑千丈雲際捫蘿欲萬迴好約華陽成小隱
秋巘懸瀑聽輕雷

黃汝亨自中盤到上方寺詩堆雲片片鬱千重
磴盤空鳥道通壘塊林間蹲虎豹菁葱天外削芙

峇細披蕪草迷煙屐衰倚危巖倩竹筇聞說上方
鐘磬杳西飛又有白雲峰

官無極上方寺詩不是羣峰列飛來雲幾支絳空
龍半現虹日水全竒青豆懸天外朱花志路岐昔
游先我得芳草卧唐碑

鄭纘祖自西架至上方寺詩越壑攀厓信杖藜上
方幽徑轉萋迷雲飄佛國山連寺樹遶靈巖水滿
溪貝葉翻時留偈在牀闕閉處有鶯啼憑空目斷
空中錫日暮清詩未敢題

盤山志

卷之五

十七

李錯上方寺詩獨隔層嵐迥今知細路深一時移
耳目萬象變蕭森古拙居人服偏私造物心天門
雙日月隨意自升沈風磴殘雲外虹梁瀑水西
險愁巖石墮冷逼洞狻啼白日行如夢青天瞰欲
低上方信幽絕消得昔人題

雲淨寺舊名淨業菴萬歷中蔡來峰建崇正中僧無
暗重脩至

國朝其徒擴其基而新之康熙四十三年

聖祖御筆改題雲淨寺乾隆十五年奉

命重脩疊蒙

宸翰之賜舊志稱寺內有石幢刊本師惠凝和尚大安

八年九月朔門人棲洞等建疑菴亦遼金時故址也

洪昇淨業菴後夕望詩春山處處佳煙嵐晚逾妙
白雲靜不行青松立殘照澗水瀉千迴巖風號萬
竅精舍倚峰巔迥然發長嘯
又同石林上人宿淨業菴詩山寺疎鐘歇清宵寂
不喧漸看明月影移過古松根地僻知僧儉天空
見佛尊石牀趺坐久揮塵兩忘言

盤山志

卷之五

十八

高士竒雲淨寺詩往者度遙岑忽焉日將夕耽幽
殊未窮茲來理輕策傑閣霄際穿疏樞樹杪隔隱
翳勢若藏攀躋境迺闢老僧畏送迎相顧始肅容
能炊松火紅亦煮澗泉白攬衣席空階聞雲生咫
尺下嶺望前旌迢迢踰紫陌

鄭纘祖雲淨寺詩遍雲峰近窓開翠色迎看花
多白藜尋藥只黃精丈室逢僧話閑房罷磬聲客
來塵境外頓令悟無生

古中盤即正法禪院也在紫蓋蓮花毘盧三峰之間
相傳寶積住靜處

國朝康熙中僧行乾重為開拓殿前有
聖祖御製詩碑方丈懸

御書門外一峰匾岬石勒

皇上萬象迴薄四字擘窠大書及先後

頒賜奎章乾隆十四年

飭有司繕脩因復舊題古中盤寺有天語軒五松堂

院有精壽堂門前有談禪石後岬有靜室名別是

盤山志

卷之五

十九

一天有龍王堂在其傍

蔡士英正法禪院脩造碑記古中盤者京之東五

臺也千峰萬壑林木鬱茂稱冀北之名勝者多道

皇土之余嘗慕而登焉見其四山相接疊翠層巒中有

數峰陡絕者勢挿霄漢又其地多金沙雨過則星

燦奪目更有舍利塔每除夕則光明徧山若列炬

其中流泉瀑布儼若大江之怒濤焉誠巨觀也他

如觀音洞談禪石蚪松蒼柏龍池暎帶種種舊觀

古不一而足殆古之禪林歟大博禪師者蜀之達州

人也生五六歲即知向佛十三而捨身西聖寺至二十五而精心參悟漸得旨歸因受萬如和尚法歷五十餘年精進不懈嘗南北行脚叅訪不一家順治十二年遂說法於津門之地藏菴嗣是而開堂十有八脩叢林有五言佛法者莫不宗師之康熙元年游盤山喜其崇峰幽谷欲止錫焉值薊州僧官來儀願捨山場有大檀越建為叢林殿宇門廡輝煌並耀經堂齋室方丈庫藏靡不具備寺僧若干人叅識本來鐘磬鈴鐃之聲不絕焉乎可謂

祇園之一勝矣夫天下之福地寶林不乏也并之開義汴之福廣蒲之西巘秦之淨念趙之無際隋之智門亦指不暇屈矣而要皆有山川之勝雲物之異為宗門衍法於無窮今之古中盤得大博禪師而傳之不朽者亦猶是歟余故樂得而記之康熙十四年乙卯

魏喬介古中盤正法寺修建堦院碑記天下名山雖以五嶽為首而京都薊州之盤山其靈竒幽鬱又有出於耳目聞見之外匪人所能測者余嘗按

圖索之而以為十洲三島不能過也辛丑之冬余以相視世祖章皇帝山陵便道至山下憩感化寺至瞭甲石邊見浮圖在望澗水潺湲而山下石纍纍或尋或丈或方或圓不可以數計擬登陟其巔願以王程期迫同事促令復

命遂匆匆而去至今憶之未嘗不自恨緣之淺也夫山川靈竒幽鬱之氣不鍾於賢人君子則鍾於衲子羽客蓋禪教之中其進脩銳其志行苦往往有人若

盤山志

卷之五

二十一

大博和尚者蜀地人也胡氏之子母葉氏幼而慧悟獸棄塵氛遂皈依蓮邦栖遲淨土得法於龍池萬如和尚傳臨濟正宗願以燕山皇居有大乘氣象結制於宏善等寺既而游盤山歎曰此山連峰疊嶂嵌空突兀谷澗委蛇果樹茂蔚其卓錫之勝地乎時則有薊州僧正司來儀慕其品行精嚴有卧章古中盤精舍一區願布施和尚乃趺坐觀空萬念俱息擔土填塹甃石為路升座說法言簡意盡俗聞者莫不解脫遂感動諸善信等捐貲建大雄

殿禪堂方丈茶房庫室僧寮塔院莊嚴宏麗與諸
門人當機指示謂趙州庭前柏樹子信手拈來此
事人人本有何不回光返照而汨汨於故紙乎嗣
法門人了宗受其衣鉢直證心印盡斬葛藤觀其
語錄所記觀面相呈更無餘事八字打開當陽獨
露瓊花開苑長江水洗尤勸人學問以為久受勤
苦乃可得成非其師之白日傳心青蓮喻法而能
有如是高足乎昔承

世祖章皇帝命序楞嚴會解文辭鄙儻蒙剗刷經首今和

盤山志

卷之五

二十二

尚得臨濟之正宗衍曹溪之家法大開妙義以曉
僧俗使人不沈沒於聲色利欲而見其本來面目
有益於

國有利於民豈區區食粟飲水作一自了漢為煙霞之
癯無補於世者哉余是以為之述其本末鐫之貞
珉俾其後代法法相續心心相傳則鹿苑靈鷲去
人不遠余羈縛塵緣未能超然物外言之汗顏俟
婚嫁畢終遂尚平之願膏車秣馬登白筋蝦蟆背
上與了宗禪師談教外別傳其有日乎盤石有靈

斯志與清泉白石永矗立於空翠清虛之法界也
已既為之序爰繫之銘銘曰巘岫鱗比雲水逍遙
一條拄杖解卻弓弣泥揚波瀟流止濤臨壑撒
手過亦吹毛闡揚祖教龍象英豪登盤山塔海潤
天高康熙歲在丙辰十有五年三月
阮旻錫古中盤游大博和尚塏院并示宗上人詩
偶隨煙外鐘已到松間寺中峰紫蓋尊羣山皆拱
翠法師南方來重闢法雲地梵刹銀榜新勳戚金
錢施一期大教興三歎影堂閱傳法老比丘已得
無礙智面瑩爪甲長開闕為客至顧我鈍根深不
受箭鋒利盤山古道場法幢開寶積普化示風顛
振鐸偶遊戲到今已千年宗風誰繼嗣落日下秋
山山間明月墜峰峰皆見月清光照無寐
鄭纘祖古中盤贈了宗禪師詩偶尋紫蓋峰人聲
木末度高低但莽蒼寧辯向時路林麓豁然開已
見岩前樹短壑架僧廊飛湍楹外赴大師高說法
石點花亦雨竭來叩宗風一語人天悟惜哉塵網
牽何當棲杖屨世上劫千年山中香一炷

又夜宿古中盤詩香刹中盤勝山峰紫蓋名聽經
雙鶴下繞堦幾僧行翠竹風搖亂黃花滴露清納
涼應未睡高枕卧松棚
高士竒正法禪院詩一徑入空林重巘秀色深暫
來青嶂下聊暢白雲心澗影留仙蹕山光動

睿吟今朝徧幽賞歸路日將沈
邱壑茲多美流連空復

情出山泉泱泱遷樹鳥嚶嚶暝色催歸騎樵歌引
客程何如友麋廐日日卧香薜

衛台瑞古中盤詩行行過中盤又抵中盤頂極目

盤山志

卷之五

二十四

煙霧中雲峰忽已暝泉岫紛佳致萬株龍鱗挺攀
蘿入寺門汲水試山茗落日聞鐘聲令人發深省
超禪送佛藏和尚住古中盤詩幾年共話西山月
一夕平分兩地秋試看古中盤石上龍松新發舊
枝頭

德風古中盤望九華峰詩白雲深處古中盤羅列
千峰作畫看望去九華峰頂上他年來此結精藍
雲罩寺相傳為寶積卓錫地構宇則始自道宗舊名
降龍菴萬歷三十年敕賜雲罩寺

國朝康熙中僧通緒重修舊貯皇藏千葉寶蓮佛殿傍
曰盤山秀峰康熙十七年

聖祖御筆也又有額曰雲峰法界乾隆八年

敕脩

皇上御書金界長明住智慧山匾青山白雲常自在禪
悅法喜悟無生聯寺東上即挂月峰峰頂舍利塔
旁有餐氣巘後有金鷄嶺南下二里有將軍石桃
園洞

王道正重脩雲罩寺碑記洪惟我國家定鼎燕京

盤山志

卷之五

二十五

山川之形勝環錯如繡而其雄峙於東北者則首
稱薊之盤山云盤山一名盤龍山峰巒之奇甲於
京東芑靈孕秀突兀巒屹於鑠哉天壤間一大觀
也山之巔有雲罩寺其來舊矣有塏曰舍利相傳
皇土為寶積禪師卓錫地中藏舍利子故名景物幽深
棘叢林高潔仙客禪宗多會於此每一登眺赤縣神
州不復記憶置在何處穢土濁劫邈焉隔絕雖屬
閭浮亦造物之所以別立清涼界也閱歲滋久荆
棘漸生草故鼎新時如有待恭值今上皇帝乘龍

御天薄海熙恬三陸寧謐仰承聖母慈聖宣文明
肅貞壽皇太后慈命印施藏經畿輔內外梵宇招
提悉加嚴飭於是出內帑積貯併各宮協贊金錢
特命乾清宮常侍尚膳監大監呂公誠往葺治之
公復自蠲廩餼鳩工聚匠驩呼踊躍輻輳子來若
驅鬼工役神力不日告成殿廡巍峨翬飛鳥草僧
寮禪室井井改觀二六時中綿延香火晨鐘昏鼓
瞻仰歸依猗歟盛哉真億萬劫無量功德所謂上
護皇輿中佑宮壺下福元元豈云小補已耶嗟嗟

盤山志

卷之五

二十六

呂公拮据贊相克成盛美功德永永且與山川共
垂不朽已事竣伐峰頭片珉屬余為記余於西方
之教若淄澠蒼黃素不涉其涯涘願性嗜禪靜時
亦繙閱諸釋典其言曰心生則法生法界惟心造
是心也深入無間磅礴無方大地為纖微塵為鉅
由是而幹天造協地靈天且弗違地於何有彼上
乘諸法無罪福無穢祥今茲率作以奉莊嚴拈掇
然將為致祥邀福計抑未也故法生於心心滅於
法何以故心在無法法在無心故也吾亦一無心

佛亦一無心天地亦一無心也此之謂不蘄祥而
祥不蘄福而福即佛力非所及也羣力何與焉歸
休乎比邱無庸屬吾碑矣乃跣趺合掌而為之銘
銘曰帝德廣淵在宥萬方虔恭慈侍聖善平康西
極回向咸集梯航爰命中禁奕奕韶璫躬詣莊嚴
開拓堂皇有美比邱杖錫飛揚敬爾威儀凜若秋
霜願力普濟展也壇場浮屠高峙如翕斯張亦既
崇廣亦既騰驤中使莅止慈命普將載錫帑金載
賜龍章鳩工庀具莫不精良相彼招提翼翼鏘鏘

盤山志

卷之五

二十七

清風穆穆振鐸琳琅有衆觀觀體具用藏巍巍法
象萬善津梁百千萬億福祚靈長萬歷三十一年
癸卯二月上浣日

沈荃雲罩寺伽藍殿碑記盤山屬薊州雲罩寺居
其巔山峻而雲生滃然出巘岫間觸石潤礎瀰漫
林谷從下視之不知寺之為雲雲之為寺故曰雲
罩寺也寺不知始於何代有明萬歷間實鼎新之
朱碧輝煌屹立天半游此寺者輒作武陵鷄犬想
不復知有人間世矣歲月既遙廟貌非昔壬子三

月吾友戴汝兆與二三同志涉歷名跡見寺就頽
落伽藍殿毀壞尤甚慨然捐金整葺如故余聞而
喜曰山谷之羨古今共談伽藍工竣雲罩必有能
繼之者俾寺見完宇即山復舊觀雲起則金碧藏
輝雲收則嶙峋耀彩盤峰真面目從此迴露人寰
矣余嘗脩兵通薊簿書鞅掌時時作宗少文卧游
今珥筆中秘朝夕侍從名勝在咫尺曾不獲親臨
其地然樂我友之能好事以為後人倡也序其略
并勒之石云康熙十二年癸丑孟冬日

盤山志

卷之五

二十八

王澤弘雲罩寺詩陡絕上盤雲罩寺一峰高踞萬
峰巔雷霆俯見山腰闕日月橫看樹杪懸佛蛻幾
朝留古塔聖燈除夕聚諸天殘僧不解游人意指
點旂旂說往年

高士竒雲罩寺詩蘿磴雲中出花宮象外懸登臨
空大漠呼吸逼青天締構神功健香燈寶地傳無
生難可問小坐亦冷然
衛台瑞上雲罩寺詩上盤三十里企石齊雲駕蒼
煙暗諸峰朔風吹萬躡躑躅層阿鳥道亦在下

景物同幽快天際臨風榭清光對閒晝松韻徹良
夜陵谷變幻殊萬象望中訝借問南村居何如此
精舍

阮旻錫宿雲罩寺詩空擁雲關卧霜風到榻寒尋
常山上月讓與衲僧看

鄭纘祖雲罩寺翫月用高青邱韻秋天一碧秋山

藍更無霧靄兼煙嵐誰將金鏡空中麗恰值今宵
高處探三千玉戶齊開徹雲鬢露濯垂鬢鬢白盡
遙空幾萬里光芒尚帶滄波涵銀河寂寞高無象

盤山志

卷之五

二十九

星宿斂藏休與叅玉兔由来知不死寸刃欲決癡
慕貪我来直踞峰千仞霜華仰吸低囓嵌山鬼遯
逃無影跡離僧故指聲喃喃須臾射牖復排闥時
暎藏經底蟬祖院不知燈火息流輝倒照穿孤
龕徘徊疇忍忽然睡杖策還登蒼上庵光搖虎豹
跨巨石影動棲鷗攀松楠安得乘風生翰羽澄波
下看三龍潭年来索米長安市斗室卑栖偏坐南
月明似籠欲窺鶴月去如繭方處蠶荏苒無能叙
契濶每言及此心懷慙家中快見已難得山上乍

逢尤所耽何幸一年遇茲夕卻從絕頂聞幽談杯
傾妙理何須酒盤盡餘香空憶相迴視諸天眠正
呈工熟扶桑鷄唱更已三露深浴出峰尤好百幅鮫綃
煙半含客既為月頻推枕月應為客聊停驂只今
相對若草草別後相憶嗟何堪况當多難屬此日
勝會難再君須諳不見盧龍山後塞年年戍築愁
丁男如此高山如此月即欲不翫其誰甘願向月
宮借月斧削除禍亂稱平戡還將月斧砍月桂更
使清輝流屋覃天上人間同此樂我雖不飲情亦
酣我雖不飲情亦酣婆娑短鬢何甦耗

盤山志

卷之五

三十

盤谷寺即青溝禪院

國朝康熙十年僧智朴建十七年

聖祖臨幸

敕賜盤谷寺額因其地名盤谷相傳唐李愿隱居處也

御製詩與

皇上恭依元韻詩並勒碑建亭於寺之陽大殿懸

御題定力周圓匾一聲清磬動即靜萬疊浮雲假也真

聯歷歲

天藻或刻碑陰或鑿崖石前有石門清涼石漱玉泉秩
秩泉松坳後有杏花坂龍首巘中有秋月堂巢雲
軒選佛堂童真殿丈室題曰金湯龍象曰一花現
瑞俱載舊志

宋肇青溝禪院碑記往余讀公安袁中郎游盤山
諸詩肖狀怪竒刻削神眩巘谷林泉常在心目間
恨不一往游焉及來京師去盤山不二百里而曹
司羈繫卒不能遂惟日夕退朝時時從馬上東望
見白雲滃起為之盤桓竚立斯須慨然而已歲辛

盤山志

卷之五

三十一

酉道出山下始得游目其勝袁公詩所稱山有畫
意者誠非虛語爰為詩以紀之閱癸亥夏四月承
乏通永盤山適在部內自幸續游之願庶幾一償
新城王阮亭祭酒送余行有而今持節京東路恰
與盤山作主人之句願益事以來又不得廢閣官
事以為私游常抱怏怏如在郎署時甲子春會按
地經山麓則益窮所未覩復為詩以紀之余初遊
嘗寄詩拙菴和尚繼至乃訪拙菴於青溝青溝之
名不見於紀載即袁公詩中亦不之及其初殆一

虎穴也自拙菴來有僧隆寶以茲地獻迺始墾闢
芟除構立堂宇門廡庖福翼然一新諸上方感化
古名剎率多廢落茲地以拙菴故頓成勝觀拙菴
徐州人名智朴少曾過江參百愚斯大師於青浦
之青龍隆福寺受記剝實洞宗第三十世辛亥北
游愛盤山邱澗因止其地其人貌古而骨剛與之
談超然無凝滯肆余再游訪之能為詩往往有佳
句去年冬

天子駐蹕是山曾幸青溝蘭若拙菴親聞

盤山志

卷之五

三十二

玉音承

命口占經

御覽賜

宸翰此尤希世之幸也余前嘗許作小文留山中會有濟
南之役拙菴命其徒來責前諾因書數語以復嗟
乎自茲以往盤山之游知復何日而青溝佳壤拙
菴雅尚益復眷眷縈我心目當十倍讀公安詩時
矣康熙二十六年丁卯三月朔一深語士友恩外
智朴丙寅季冬一日曾鈞寶以茲地獻迺始墾闢

駕幸青溝應制詩冷靜峰頭雲水香
六龍車駕幸山堂百年勝觀惟今日塊雨條風祝我

皇

王澤弘詩青溝古路絕人煙老衲栖霞不計年與
虎偕居分半穴問龍乞水迸枯泉忘生始得無生
法入世誰叅出世禪悲我行藏成兩失從茲雲水
任孤肩寒囂獨處十年餘昨歲誅茅始結廬挂
樹猿應驚梵客攀藤人只問禪居晚風香靜禱猶
動殘雪窓明榻半虛竟夕攤爐趺坐久兩心無語

盤山志

卷之五

三十三

對文殊

王士正詩曹谿游萬里酌水問南能世界隨緣住
人天最上乘儻然白足侶不作紫衣僧寄我新吟

卷清涼五月水

時歸自五臺

朱彝尊詩攜來一鉢自曹谿結屋青溝亂石西徧
洗苔碑詮寺堦山花木葉恣留題謝家木屐無
完齒陶令籃輿怕朔風黃葉滿山來未得幽尋也

跡重待杏花紅

幸青孫岳頌詩青溝隱處惟孤雲曲澗盤阿斷衆聞獨

坐嗒然忘色相紅黃紫綠紛紛紅杏青松迴
不侔慧觀早已在峰頭孤標自出風塵外瞥眼繁
華逐水流聞道盤山景最奇山居餽米更餐芝
何緣著屐尋幽去白石清泉訪我師
喻成龍詩飛錫響震蓮花峰澄潭如鏡安毒龍避
俗遠在盤之谷萬壑千巘枕茅屋靜夜天香遶法
壇松風明月谿水寒有時鐘磬出林表曇鉢浮光
金翅翻近復幽人時來往與公結社推公長今夕
何夕讀公詩况瞻標格真高爽

盤山志

卷之五

三十四

葉臣遇詩依栖雙樹晚鐘遲喜讀青溝白雪詞一
室香雲人定後半窓明月夜來時湯休豈獨稱詩
伯惠遠還宜作導師好句名山都占盡教人何處
著思維

陸沅詩薊門夙仰盤山勝名衲今茲住拙菴禪悅
力能驅虎豹巖脩心許架煙嵐搜殘碣石鐫新志
賞剽清泉琢舊潭欲擬貫休仍自在一箋聊復寄

優曇曇

魏坤詩田盤山樵乍相識昨日下午山今上山要我

同游不得去獨吟紅杏青松間
宋至詩落日空山路高僧特地尋泉聲清俗耳鳥
語印禪心破衲殷勤補新詩自在吟結茅余有意
早晚藉砮鉞

張歷詩喬居此盤山如何反號拙諒彼機巧人不
敢占虎穴惟拙渾忘機授記虎蹤滅巉巖未多開
茅屋透寒雪自穿鳥道來竟與紅塵絕雲氣染衣
裳松花滋味別而我願歸依師笑不肯說

許國賓詩卻疑塵起亂紅飛幻裡看花意思微身

盤山志

卷之五

三十五

與喬松爭百尺儵然不著水田衣

朱昆田詩千林紅綻三光杏十里青排五粒松他
日相尋半山路畫圖約略記雲峰 山厨夜火蒸
黃獨埜菜春風長豆苗閒倚長松無一事靜看日
影過谿橋

畢大生詩手闢青溝白石壇杏花松葉挂機單明
年好借枯藤杖直踏中盤到上盤

洪昇詩兩山忽斷處開士結精廬門對青溝狹池
涵紫蓋虛雲嵐遠明滅松石互盤紆側首尋幽洞

荒榛虎舊居

張朝琮詩結構精廬小猶存虎豹蹤青溝新闢土
白足舊傳宗山擁談經座風移轉頃鐘塵襟此疎
豁雙屐任從容

東甘澗觀音菴不知何時建立

國朝康熙中住僧重葺乾隆十四年晉人平賊寇命
敕脩構重屋於殿之巽隅崇敞可遠眺

賜東甘澗額

御製詩摩厓三處門內有斗笠松松下蒲團石傍澗天

盤山志

卷之五

三十六

井石童子石皆以形肖得名

李鐸東甘澗詩東甘澗頭春有冰蒼寒之氣填空
青夜深雪斷蒲團石時有老狐來聽經

朱岷東甘澗詩路折尋東澗樵聲入午鐘泠泠岩
下水靄靄寺前峰既坐蒲團石還吟斗笠松老僧

偏愛客煮茗說降龍

董邦達東甘澗詩初地泉聲裡翛然此重尋山花
風磴晚僧磬石樓深坐久忘塵役吟餘悟夙心留
人更松翠長作一庭陰

西甘澗淨土菴明僧常慧初建

國朝康熙中重脩

御製詩皆刻石上菴後石龕元道士王志謹脩煉處也

李錯脩楔西甘澗作高花不受染水流故以渠空

山暮春時物色隨卷舒老宿循自然遂與真意俱

洗心不洗跡一切皆袪除我輩水心劍徒傷落日

徂木

查曦西甘澗贈法天上人

上人年七十餘善彈琴好吟咏

詩寺枕

千尋澗窻開四面山卻輸黃髮老長共白雲間擊

盤山志

卷之五

三十七

鋒吟詩句彈琴怡妙顏偶來塵世客心醉不思還

董邦達西甘澗詩白雲結隣茅蓋屋屋外飛流隱

古木龐眉老衲罷談禪落日荒巘斲黃獨

東竺菴在松樹峪舊名彌陀菴

國朝康熙二十五年僧印祥建乾隆十年

敕脩大殿懸

御書大尼渲光額請問庭前柏樹子莫瞞扇上屏牛兒

聯殿左右結茅為亭依倚巖壁各極幽致

駕屢臨幸

御題三詩摹勒壁上菴南有燕剪石

查曦東竺菴留贈聖林上人詩東竺菴何處山中
路鬱盤人踪千澗上佛刹萬峰端笑語諸天近松
雲暮色寒苾芻邀茗飲禪悅極清歡

董邦達東竺菴詩盤山百里勢迴互石索欹崎不
知數百尋飛瀑走怒雷千載蒼藤挂寒霧空勞過
客說峻竒不信巨靈矜刻露劃然此地變標格有
土可耕圃可樹精廬結處得天然倚壁編茅垣辟
具妙香微度貝葉翻法界真空寶華雨我來投宿
盤山志

卷之五

三十八

薄暝時屈指十年游已屢未隨樵子拾橡栗猶向
僧窓飽殘芋岷間

宸藻日月明清景欲摹無好句山峯明發又高峰雲木
蒼蒼頻返顧

查東竺菴留贈聖林上人詩東竺菴何處山中
路鬱盤人踪千澗上佛刹萬峰端笑語諸天近松
雲暮色寒苾芻邀茗飲禪悅極清歡

盤山志卷之六

寺宇二

萬松寺舊名衛公庵菴西上舞劍臺乃唐李樂師靖
舞劍處也菴不知建於何時萬歷四年僧普照卓
錫於此導人脩淨業神宗御書清心二字存菴中
崇正中僧勝雲重脩
國朝康熙四十四年僧祥慶又新之

聖祖駕幸

御書樂天真三字懸殿中央

盤山志

卷之六

敕改萬松寺乾隆十年

賜金繕葺寺左有仙人橋右有橐佗石石上刻

御製詩前峙浮青歡喜二嶺

呂升凱重脩衛公庵碑記往官間曹休沐暇嘗偕

客縱游西山四顧巉壑聳秀天矯幽竒撫掌大笑

曰近畿勝槩觀止矣客曰未也畿之東為漁陽郡

薊郡之西北三十里為盤山勢迴旋而磅礴左碣石

寺右洶水滄溟匯其南崖頽環其北層巒疊嶂接日

盤山于霄飛瀑奔泉噴松闢石中有古刹七十餘此乃

近畿一巨觀也時恍然神游其際頃之不自意拜
度支郎命來董薊儲竊幸天假勝緣比值羽書旁
午日敞於會計未踐夙盟適家弟升時至覽興鬱
勃挾侶作小試遊循趾及腰捫蘿躡磴層累而登
是為盤山危峰陡絕鳥道猿攀最高者曰上盤跡
未及到已駭目動心嗒然而返歸休於衛公庵菴
之住持勝公供茗出與語雅有宗風相將登眺祇
見拓基宏敞構宇崇隆不知廢幾許工力步至庭
際有豐碑夾峙已鐫其一諦視之則少林寺嵩麓

上人以重建落成為大師普照祖若孫志其勤也
其一尚濯濯叩之勝公對曰是役也肇自神宗初
年嘉賴十方微普照祖大願力不及此遞及孫雲
輩廣募益摯飽茹苦辛歷數十禩迺觀厥成懼代
遠績湮勒之貞珉以昭示後人然一切功德主無
量福田豈可令其泯泯無聞用是虛石以待家弟
曰有是舉盍圓是事勝公進曰曩嘗句之名公大
人矣未荷許可今之使君介弟得無意乎倘徼惠
于部使君不靳元屑於以並垂不朽幸甚家弟遂

巡不能卻輒唯唯歸以語余余瞿然自失曰盤山
為海內游覽地騷人宗匠往來如織吾雖少讀父
書長而不文豈以名碩所避席者而為我漫嘗之
顧家弟業課諾之矣且奈何况茲勝概余屐齒未
到又菴以衛公得名亦未遑詳考余何言姑就勝
公之語次其顛末為諸檀越志功德云爾繫之以
銘銘曰維山崢嶸懸削林立維水潺湲紆迴環碧
翠微鬱蒼爰敞梵宮殿標伊何唐勳衛公疇則開
宗寶繁普照疇則繼志雲孫克紹輪奐有煒鳥草

盤山志

卷之六

三

翬飛廣募勳式廓丕基林總檀耶聚沙成米令
德昭垂千秋曷已崇正十三年庚辰九月

程文藝重脩李靖菴記盤山畿東勝地也去神京
百八十里與翠屏山相接龍山環匝鳳水縈紆有
龍遊鳳覽之勢緣崖攀磴而上雲氣嵐光青蔥萬
狀左有仙人橋青溝飛流激湍磅礴於蒼松古栢
間恍惚不可端倪至磡道盤鬱一似太行之山之
谷故又號盤谷石仄徑而下乃舞劍臺相沿為唐
李靖學劍處再迤邐而後有六王寨說者謂七國

時燕太子丹會六王故名風日晴好振衣登其巔
則舍利塔在焉塔中舍利為漢金仙所遺事浸久
不可考旁有挂月峰相對為自來峰法華洞五峰
八石三洞芝草錯雜其間此洞天福地也遊仙往
還再往過之明普照大師名明空豐潤人宋姓棄家安
禪樂禪神宗知之賜清心二字劄一道歸盤山未幾徒
金尺道安嗣其法

今上御極之十有四年歲次己卯十月駐

蹕訪盤山之勝住僧祥慶嗣孫來平隨

盤山志

卷之六

駕登山蒙

上顧問賜金戊午秋己未春更蒙

賜金及

宸翰樂天真三字丙寅冬

駕再臨辛未秋僧來平接理法席甲申春宋故葉家
駕復巡幸

恩賜敕改萬松寺及封其峯味德為自來峯華嚴玉觀
御書金經等誠亘古之奇逢不世之異數祇樹園中獲此

墨寶與盤山並峙乾坤彪炳日星昭灼岳瀆久而

彌昌遠而彌光又豈千百代易得之遇耶揣知拈
花時無詞可贊請以秀色滿天東一語作頌然猶
恐彰羨傳盛之未詳也爰撫數語勒之石以垂不
朽云康熙四十四年歲次乙酉四月

阮旻錫宿衛公菴詩乍到翻疑夢如登故國山路
盤千嶂入人在萬松間夜雨泉邊至秋聲塞外還
英雄空說劍何似老僧閒愈是懸思却一處山空
鄭纘祖宿衛公菴詩庵從昔賢名客自今秋至流
覽值新晴山容分外翠岬懸松子落壁斷龜鼈戲

盤山志

卷之六

五

簷際影蕭疎輕颺薜荔躋攀信忘疲深坐猶如
跂高閣俯層巒一一當窓視名象紛難齊秉暉晚
滋嶺林昏忽已暝月出景逾異棲鳥時一鳴山空
人未睡有懷成獨往幽通小徑遠闌寂澗香生空
虛囂響墜寒泉兼落葉靜聽聲不二夜迴佛燈涼
孤光耿宵寐十四年歲次乙酉四月

高士竒衛公菴詩夾天開小徑峯峇隱諸峰黛色
千岬石濤聲萬壑松林深微見寺谷靜遠聞鐘虛
閣何年藉聊清塵外蹤百外是巒之巖非巒味

袁松衛公庵詩此地真堪隱山窓晚更幽月移松
磴出風定石泉流覓句慚高適摩碑憶李侯還期
登絕頂千里望中收

梁洪入盤山宿衛公菴詩盤盤石路到高峰繞寺
蒼蒼萬樹松杖底泉虛青草遍鳥邊屋斷白雲封
塵襟遠隔如千里山色才看第一重獨念今宵禫
榻穩不眠先聽上方鐘

張朝琮衛公菴詩昔賢久云沒勲業在青史如何
巖穴間英名尚留此嗟峨梵宇深怪樹蚪龍徙高

盤山志

卷之六

六

閣俯嶙峋幽潔無塵滓猿攀鳥道紆崇臺亘聳峙
突兀矗層霄雲霞接步履精爽應不昧中夜練光
起竒才曠遠猷根性非凡鄙誰云當暮年烈士心
未已登臨懷古今俯仰思所以其然豈其然千載
存疑似

法藏寺舊名茶子菴成化中脩

國朝康熙中僧養心又脩乾隆十九年奉

敕脩殿左有古松為盤山第一住僧實乎擬建東廂欲
去此樹夜夢一碩士揖而告曰吾住此山久矣師

青
奈何促吾行僧覺其異遂不敢伐前有法船石門
東有楞嚴臺石

王嘉謨法藏寺詩折阪殿懸厓悠然縱鞍鞞綿綿
谷口雲飄墮白如練峰巒忽相冒竒石還驚眩大
者數十尋小或等冠弁峰巔有紺宇歷歷皆可見
永懷僧栖樂倍覺塵情倦稀逢采芝侶獨立幾回
盼

李錯法藏寺詩至味伏餘甘脩塗引紆步沙石犬
牙齧人遵虎行路壑陰塞叢莽立枯樹野風

盤山志

卷之六

七

來蕭蕭若與山鬼還道心不自鎮白日生恐怖
嚼諒終古中乃具百度古瓦栖圓椽丹華脫桓柱
龕燈久無葢遂為靈狐据生滅信更事此理長不
住大地接慈航寺前有法船石風波卒誰渡

智朴法藏寺詩排列峰巒似弟昆週迴四顧總無
門竒松蚪結龍蛇闢怪石爛斑虎豹躡僧老巖頭
驚俗客花開洞口護仙源卜居喜近三椽地日日
來游不憚煩

青峰寺舊名青峰菴在青楊峪明正德丙子僧德果

脩萬歷丙子僧常淨葺之殿八楹之間未幾水災
國朝康熙中僧隆寶又葺之殿亦八楹之間未幾水災
聖祖賜青峰寺額乾隆十九年

飭有司相度營繕焉寺內有聖水井

無名氏青峰菴題壁詩陰陰泉脈出僧房煮茗松
煙隔舍香自對雙峰着宿黛石橋榭葉午風涼

偶因休沐乞身閑除目鄉書更不闕試問使君新
事業日游一寺徧盤山

洪昇青峰庵詩幾日杏花春色盡半山松影夕陽

盤山志

卷之六

八

積難忘惠遠留題處重到青峰寺裡來

雙峰寺在雙峰下舊名重巒禪院有石碣載貞觀中

尉遲敬德監造萬歷三十年慈聖皇太后出內帑

重建賜龍藏及供用之物歲久堊黝剝落風氣

皇上御極之十有九年

巡幸過此

命有司脩治以還舊觀

唐文皇詔有隋失道九服沸騰朕親總元戎致茲
明罰恐九泉之下尚淪鼎鑊八難之間永纏冰炭

所以樹立福田濟其魂魄可於建義以來交兵之處為義士凶徒殞身滅陣者各建寺刹招延勝侶望法鼓所震變炎火於青蓮清梵所聞易苦海於甘露所司量定處所並立寺宇具為事條以聞稱朕矜哀之意

王嘉謨雙峰寺詩遠眺翠微近雲木澹清姿石華浮半空飛泉激流澌其陽饒怪石小大紛叅差萬嶺鬱相錯孤雲停不移中峰構翠龕一一能仁祠山僧衣蘿薜雜以松薜皮瀟我摩蒼厓覽古生遐

盤山志

卷之六

九

思

又登雙峰寺閣詩雙門開闔重神州四塞煙沙感壯游日色不暄花異候雲雷在下瀑無休僧鐘祇報窺階鳥客隊難驚飲澗猴醉欲題峰依古寺苔封蘚護使人愁

金山寺一名四門塢光啟二年七月建有石碣存稱
蘄州大夫張公脩造又有國子監祭酒張峒題詩
勒石蘄州大夫峒之仲孫也下有五盆溝
招提寺在先師臺上相傳黃龍禪師熏脩處萬曆庚

寅蔡如蕙重建殿宇以奉大士後有漁陽獨控四字陶有學書前有古塔疑為黃龍塢然無據西有說法臺東有仙人石下有井深三丈餘塊石鑿成旁有瀑泉二字月空書再下有先師臺三字蔡如芝書再下有奇觀二字李茂時書再下有東五臺三字字俱鐫石壁徑二三尺許此盤山之最高敞處也

陶望齡先師臺建寺碑記余讀諸君子游盤山詩輒恍然神游也既而歎曰安得與山靈期一往游

盤山志

卷之六

十

目乎比余叔氏日觀游茲山歸為余道其勝甚悉余益懷思之而有所謂先師臺者相傳黃龍禪師所熏脩處也適當山之陽漕河繞其南漁陽環其左下瞰衆壑喻欲雲霧上有峭石瀑泉靈氣時時覆之茲臺蓋獨踞盤之最勝而鴻臚蔡仲子盤泉今以栖大士像者也仲子之先人來峰素奉大士教甚謹嘗渡遼海涉江淮瀕死者數矣而輒賴大士力以全迺瓶精藍於盤之陰曰淨業庵鑄金像其中迨蔡君既逝而庵以僻遠峻絕故車馬罕至

日漸圯今年春蔡仲子與季子盤囀塔鳴冲張子
挈余叔氏游於斯徘徊慨嘆者久之傷其以僻故
廢隳先人之緒迺因此臺舊址益莊嚴其居以徙
大士像訪比丘真悟者主之蓋下控通衢往來游
觀者甚便其登臺遐矚則又迥隔塵境矣嗟乎茲
臺為先師脩也後數百年乃以栖大士焉知其後
來不有如先師者興乎而又焉知先師以前非古
佛道場也大抵仙囀佛石在在有之恒沙諸佛出
以應世弘化遞去遞來塵劫變幻如泡影露電何

盤山志

卷之六

十一

常之有雖然其真常不變者自有在也儻即以真
常者真無常不變也閱至變天地且相為終焉而
况茲臺乎今喜乃無替先人之志也且以旌先人
之歷試艱難而不忘所報也遂因其請而為之記
蔡仲子名如蕙好施與利物盖有古燕趙感慨之
遺風云萬歷十八年庚寅九日

李鏞招提寺詩荒絕招提寺淒涼贖佛尊穴穿山

鼠鬪辟圻女蘿翻苔繡懸燈石人煙報水村

遍岩
麓石

寺盛時懸燈其上燦如列星寺南有石井
穿巨石三文餘而得水山下有報水村此心初

不住往者復何言

白巘寺在盤山東盡處建自唐代遼天顯十一年重脩有元僧恒志碑記又有慶壽提點裕公塏銘金大定中重脩明天順中香林蘊空禪師退隱於此號白巘叟

董邦達白巘寺詩十里山南策瘦筇祇園一徑蔽蒙茸密林礙帽垂丹柿虛牖敷牀列翠峰荒蘚未埋前代碣晚風時送上方鐘道人莫訝心神逸路入煙嵐幾萬重

盤山志

卷之六

十二

瑞雲菴向在千相寺西始建歲月無考金大安中重修今移建於山麓齋堂禪室具焉

董邦達瑞雲庵詩此中猶太古煙火幾人家樵路逢新霽禪房落晚花青山堪獨往白業問三車證處無言說林端聞噪鴉

水月菴萬歷癸丑建庵南有泉自石龍口出涓涓不涸

袁和水月菴碑記余以壬子冬秉憲薊鎮未幾而兼攝密鎮於是往來盤山之巖盤山固畿東一大

觀也層巒聳翠泉甘土肥其間松柏之叢茂果實之繁盛種種色色未易備指枚數山行里許有崇嵒峻嶺土人以砂嶺呼之道側有菴曰水月甫入門有澄泉一區甃石為池似偃月狀泉出巖沸庵以得名去池少許梵宇四楹中奉觀音大士像間所自剏則司徒殷公布施也殷公督密餉嘗過其地見其山徑嶮巇因募僧而構之菴時或芟憩其中於是薊門成大司成復為苾芻永賴地指山形而畫地捐焉擇釋子明澄為住持蓋其行有足多

盤山志

卷之六

十三

云諸釋子以其得之檀耶者日鳩匠石鑿其巉巖平其磽确險夷庠實幾一里登假者便之塗成有次乞余言為記余曰夫南海西天曇華貝葉法談空幻儒者不之道也然而見性明心慈悲方便與儒者之格致誠正濟人利物實相湏而為用者也余故因明澄之請嘉殷成二君子之造福無量而誦觀音大士之方便第一也次其語以授之萬歷

癸丑季夏

李象葵過水月菴感懷詩疊翠凭虛暑氣消登臨

直上碧山椒雲橫峻嶺迷青嶂路接丹梯倚玉霄
古柏森森鳴爽籟清泉冷冷寄篔簹宦心遇此灰
應盡慵逐征途萬里送
大慈菴一名五峰庵萬歷中僧常增建菴前有津津
亭壯繆祠

孫承宗新建漢前將軍祠碑記余以天啟壬戌之
六月奉上命閱邊務於山海過白檀經平谷之野
既易輿陟大嶺其山腰固已辟立峽岬而一登絕
巔遂覺煩襟為爽蓋俯眺羣峰羅列在揖授間西

盤山志

卷之六

十四

望喬雲縟靄覺長安日近而東望如戟如矛者殆
榆關之劍氣乎隨行廐職方善繼宋校書獻不陟
其巔而過余與兒輩四五人剖衣其上老僧指盤
山故道令人想昌黎茹山漁谿之致低徊久之側
有豐碑轟轟讀其文則借余館職姓名也余為韞
大然曰知文之冒余名也寧知名之冒爾文也因進
老僧名常增遂說真常諦蓋不真不常即如此文
之冒余名也深山大谷中誰辯真贋况余持罪翰
林幾廿年不復作塞游而帷幄近臣又鮮馳驅乎

黃沙白草之間則此文在異時安知不疑余之真
為此文而余偶過廼恚其非真然則真乃常也真
常之諦可以作事可以籌邊漢壯繆闕將軍論人
之丹誠如日丹在心中日在天上夫日萬古常懸
而萬古常新惟其真耳假令初終易操通約易盟
貌衷易嚮炎冷易趨讀余真常之說寧不抱慚於
壯繆而况秉鉞登壇受主上隆恩忍於虛冒而不
以丹誠報國者其敢酌酒壯繆乎太行北上折而
東又折而東復南以護陵京而一支一轉遂開郡

邑總之岳稱真烈名有恒極則真常之諦天地若
為開之而生人其忍負之以抱慙將軍者時僧徵
余為真文余諾而過既以七月既望過黃厓平谷
尉繚伯芳持贖者來徵余真余次其語以授凡陟
絕巔而憩壯繆祠下體真常於丹日是為壯繆非
必龍旂火馬赭面戟髯者壯繆也天啟二年癸亥
七月十九日
劉鴻訓脩盤路碑記京師之東二百里許是為盤
山蜿蜒西南下勢探洵水峪平谷於其中限薊門

於其外列中有小徑可達山海遵化及喜峰諸門
轉而密雲居庸及石吉曹牆諸路凡烽火之警諸
司會計羽書交馳必由之便其捷也不則必出三
河里道之回遠不可計矣但石磴崎嶇礮崖滑隘
行者苦之陞薊州知州戚君廷齡始仕茲土履而
歎曰此路可通乘輿似非吾民之利萬一邊防有
急傳檄稍緩為害可勝道乎吾其撫循吾民而啟
闢斯路不兩得乎適有本道張君朴行部過平谷
亦以為言捐金若干而戚君遂量工命日分財用

具饘糧起工於三十八年春三月至四十一年秋
九月工竣寬二丈長四里餘崎嶇者平滑隘者展
行者謳歌祝頌斯民日益繁庶繼任平谷知縣丁
君士慶下車後其所以撫循斯民加意斯路者若
合符節猶不欲沒二公之高託余立石以垂不朽
余謂夫事不論鉅細所關何如今脩者止一路而
生君子愛人之心予小人生養之利息戎馬陸梁
之門舒聖天子東顧之憂三公之功一轍也詩云
周道如砥其直如矢君子所履小人所視其斯之

謂歟故喜為之記萬歷四十三年春二月
報國寺元至元中圜悟賑禪師重脩前有黑龍池
白峪寺在萬松寺西南八里
報恩寺在千相寺東明正統四年戊午重脩萬歷四
十五年丁巳尼宏存再葺

米萬鍾重脩報恩寺碑記天地間凡事有廢有興
時也天且不違時而况他也乎哉當其興即有廢
之之著伏其後當其廢即有興之之機乘其間興
而廢廢而興孰主張是謂地有靈而佛亦有靈也

盤山志

卷之六

十七

勝境常存胡然積廢金光常住胡然久頽謂地無
靈而佛亦無靈也積廢成壞久頽不起胡然廢者
興頽者又舉蓋炎災隆隆勢之所不能終保也而
星星涓涓又數之所不敢算拘也總之時為之也
城西北二十里許盤山之麓塋院莊建有報恩寺
東枕洵巘西通千像而北則控西方庵鼎足三方
曰號稱古刹所由来素矣蒼翠龍蔥借盤之秀香火
綿衍徼盤之靈殿宇輝煌墓盤之勝不知其叛自
何時第於正統四年重脩復於萬歷八年再新迄

今又三十年矣龍蔥者如故也而香火視昔則微
有間也殿宇之輝煌者又非昔之時也方且雨注
方且星穿方且金身日射而風披與露宿者微異
耳嗟乎哉藉佛以之保國庇民者幾不自保自庇
矣雖不至極廢大壞亦可謂漸頽難起向之炎炎
隆隆者至此而星星而涓涓亦時之一阨也哉寺
有尼僧宏存者惻然傷赧然不勝憤發然中起向
檀越極力募化日奔走於薊於平谷於三河更不
遠二百里至都下跋涉之履幾穿矣以得金百兩

搜材鳩工日經營而補葺之由是正殿兩廊頽者
畢起突焉改觀靡不整也靡不麗也輝輝金碧悒
心瞶目曷啻初剏然豈特無風雨之患而且昭日
星之炳卓哉為盤山入步第一勝概將與白巖千
像比肩並峙雷音境界於是乎在一報恩寺也向
也廢而今也興又何其炎炎隆隆也哉語云天節
不遠五年復返言時也此寺歷三十年之久不終
阨而復返其初者謂非時為之耶僧乞言於余余
何言第惟以佛在人心人心之不泯即天時之有

在人乘乎時時乘乎人兩相藉也非徒地靈之說也世之漸滅人心者佛法日遠西方日隔墮沉淪而遭業障不知以何者為福田為結果恒沙迷津慈航誰度無怪乎福國庇民之勝境日頽日壞而莫為之振起也此又不可諉之時而一概論也此為記萬歷丁巳春三月

脩
觀音庵有二一在瓌紫峪又一在鋪黼峪僧性良重

報國庵在雲淨寺西南二里

盤山志

卷之六

十九

華嚴庵在黑塢峪

朝陽菴在盤嶺南俗呼紫背康熙中僧通道建

秀峰庵在盧家峪東正德丁卯僧想通建有守真洞

法常寺在玉石村西惟石幢古井在焉

定慧寺在小盤山一名瓦茶寺今圯

接引庵在版鋪今圯

翠雲菴白峪前石壁刻翠雲菴三大字菴無考

聖泉庵在山後昔為羅總兵所壞作別墅未幾羅罹

禍廢至今呼為羅家城

白巘菴九華峰前崇正中建久圯

淨土庵在塢院莊北三里今圯

劉家菴在上甘澗內庵西南三十步有洞最高奕崇
正甲申居人避亂於此後頽壞惟洞中石柱存焉
菴東北有石舫擁背石後有飛翠巘

龍泉菴基存碑刻正德九年僧真義重脩庵右有池
深不可測

繼靖庵俗呼旱店在雲淨寺東久圯

西方菴在塢院莊北三里今圯

盤山志

卷之六

二十

大悲庵千相寺東北上二里故址無考康熙中僧通

道結茅居焉

龍鳳庵始建歲月無考在上方寺西南塊石為基

澗二丈五尺高一丈五尺刻大方廣三字字徑八

尺

王澤弘龍鳳庵詩層巘壁立嵌菴中有高僧坐

巖石龕久判一身如朽木返觀百念已澄潭青知列

嶺岫雲光護紅見孤花露氣含悵望勞勞車馬路抽

白簪吾欲伴瞿曇

甘露庵少林寺前入山道康熙二十七年溟波和尚
建草房五楹稱十方院今圯
龍震甘露寺詩泉石爭竒處三間孤草堂老僧指
鳥道倦客借繩床水為出山咽雲因作雨忙間中
一眺聽冰雪入肝腸
右感化寺以下諸刹皆屬本山稍以大小興廢為
次

龍泉寺一名暗峪寺元至正中僧順結茅明成化六
年己丑僧悟興開建正德五年庚午重脩殿前古

盤山志

卷之六

二十一

樹皆千年物香水寺南二里亦有龍泉寺基

金純龍泉寺脩造碑記龍泉寺至京師百八十里
寺故庵式中有暗峪迺薊州盤山佳處山甚秀東
首綿亘以西隆起有脊甚揚而尾與首頽暗谷實
脈其間寺內山谷為居人以山龍狀命谷為龍泉
緣以名寺寺之初剏故老無迹後生亦無聞其徒
世守不知其詳以跡襲授受知為元至正遺址兵
燹後入國朝逾百年山谷僅秀香火僅延屋宇僅
支亦時為之既有力者不列諸徒而無力者非徒

自靳成化初鄉雋景公鐸者憫山川淪秀且念燈
焰之弱毅不自解徧告耆舊以力藉衆以謀自私
倍故址宏為寺推四門墪寺僧悟興者一衆務其
徒本源出所長為規畫羽翼百費具周羣策畢舉
落成後規模甚廓有門有垣有壇場有殿宇有鐘
鼓懸室有講堂禪庭左右列僧舍若干間丹雘塗
堊與雲霞爭妍與山水爭碧樓臺出沒於煙霏空
翠間潭影天光徘徊上下山川之麗一旦改觀遠
近來游靡不喑喑稱歎寺成於正德庚午遡其經

始幾四十餘年行之者非一僧成之者非一日可
謂大且艱矣鐸與羣師先後淪沒鐸之子曰祚讓
之徒曰常善恐其功遂泯泯無聞徵余為記余惟
山川之勝必得其人而後可鳴當龍泉兵燹之餘
巒光水色頗失故態栖栖於林薄榛莽間殆與凡
流衆垓等耳今緇流一鼓而幻成寶坊暮鼓晨鐘
酬恩駐貴則山川秀麗與有光輝孰其使之然哉
昔湘山非自鳴也以無量鳴崑崙非自鳴也以靜
庵鳴他日龍泉為東盤第一山者又安知不以悟

興鳴也耶是為記正德五年歲次庚午
香水寺唐建有頭陀大師靈塏實行碑金正隆六年
中都寶塔寺沙門知心撰文曰師諱行及海東新
羅常興人覽茲香水偶然挂錫剏石頭庵山精自
窟拓靈源脈囀虎他之於廣明元年仲夏無疾而
終門人惠超等塑以真像塔而藏之其後塏龕盡
弛恒淨等重脩巨塏表焉康熙中德心禪師重脩
寺後有香泉古柏

盧綸重脩香水寺碑記薊之西北有盤山延袤起

盤山志

卷之六

二十三

伏數十里西折而左顧有寺曰香水者蓋古刹也
中有泉清澄瑩澈異馥襲人寺因以名緣闕記石
剏建無考金海東新羅頭陀大師行脚至此重為
開拓迨明天啟中復就傾圮寺僧慧明及劉君良
爵劉君居正共發善心再葺治之煥然歸然過者
無不稱歎閱歲既久風雨飄搖法相漸爾摧頽鐘
鼓將淪蕭艾向之煥然者幾坵墟矣歸然者幾瓦
礫矣爵之孫之俊正之孫若璦見而憂之以為有
其舉之莫敢廢禮也爰邀鄉善於康熙十五年春

聘德心禪師主之禪師乃大博和尚之門弟子也
甘淡泊事勤苦精操有年宗風遠播四方衲子踵
接肩摩而至者如細流之歸巨浸也講讀有人瞻
禮無地迺建善會用謀重脩而諸弟子躬親勤勞
以勦厥事殿堂垣墉門廡庖湏凡所有者依次脩
治莊嚴妙好大倍於昔禪師之功多且茂矣而延
師以興者則二劉倡衆之力可少乎哉是舉也鳩
工於十六年春落成於二十四年秋主者慮事之
不傳無以啟後來者之相繼也丐余言以記之特

盤山志

卷之六

二十四

為述其梗概如此康熙二十六年丁卯月日

普濟寺一名甘泉寺相傳昔為毒龍湫唐太和中

有僧方禪師結茅於此龍讓之從山後迄今三潭為
龍居也遼金元重脩碑記殘缺難考又傳古有王
子出家故寺中伽藍神女像宮粧在佛殿西北隅
最高隘處曩寺廢人欲圻毀不能上上輒墜故得

存

國朝康熙中僧明德住此次第移伽藍於殿左前有三
塔列如鼎足後有小甌洞依山麓成極精雅

聖祖駐蹕中盤題詩勒石寺中

沈荃重脩甘泉寺碑記盤山在薊州羣峰陡絕行者盤旋而上故曰盤其中有龍池天門劍臺懸空石諸勝前賢志之備矣

皇上有事

園陵嘗駐蹕於彼題詩中盤因勒石於殿左山中佛寺甚多最勝者曰甘泉剏自唐代盛於宋元至明初燬於火琳宮紺殿竟為荒煙蔓草已三百年矣雨石和尚過之曰嘻余責也迺結茅募脩備列辛苦久

盤山志

卷之六

二十五

之大殿告成禪堂厨庫以次畢具緇素來者日衆梵聲清磬時出白雲中間盛事也自甘泉而下十餘里為段家嶺迺山海孔道復葺茶庵以飲渴者和尚囑余作記次其本末余惟盤為京東名山翠華臨幸名賢題咏與尋常勝地不同余嘗脩兵通薊副使茲山實在境內數欲杖策一游困於簿書願卒未遂後奉

命恭詣

孝陵道出薊州始得登覽拜讀

御製詩償宿志馬比時與和尚相識考其舊碑臨濟第二
代興化獎禪師初依開山曉方大士實菱雍於斯
焉因念和尚慨傷祖苑刻志經營又能扇遠風以
歸禪學廣善緣以益生民俾其事以傳於後誠不
可已也康熙二十二年癸亥月日

靈巖寺在甘泉寺西南

蕭九峰重脩靈巖寺碑記盤龍山靈巖寺始立久
不可考舊碣謂自唐宋以來七百餘歲或古刹也
寺雖隸薊州然去三河十里而近余嘗往游焉有

盤山志

卷之六

二十六

林居之樂無俗鞅之擾蒼翠環繞絕壁如城東巖
有水自上滴滴漏下鏗然有聲歷久旱不竭而僧
衆咸賴寺之得名蓋以是也舊設長老主寺事今
僧人常現適當其現幼師僧人真愷而事其親
以孝聞戒律之嚴經典之熟靡不出類且苦心高
行傾動遠邇每歲於寺說法立會安禪施齋來皈
者幾千人固有道者流也寺日廢墜現乃邀鄉善
信趙文昂輩盡出已資協力衆募掄材鳩工拓其
地宏其規中脩大雄殿三間以事佛左建堂以事

護法右建堂以事祖師天王殿峙於前觀音庵拱
於後其他山門甬路鐘樓庫室凡法所宜有者無
不具備由是山若增而高境若闢而新昔之傾圮
者堅緻矣昔之荒穢者精潔矣始可與名山盛地
貴戚叛建者爭雄焉事竣托儒生牛西剛徵予為
之記予亦業儒者也安可談佛事蓋佛之道出於
孔子之後故學孔子者必斥之以為不如是不足
以名儒者雖然如使佛出孔子之世則孔子之所
以處佛者何如哉將怒而斥之耶抑矜而進之耶

孟子曰仲尼不為己甚夫其不為己甚則佛之斥
與進誠有未易言者且佛也者出於周末而生於
西域耳無聞目無見也吾意其俗必古野而其入
之情未甚鑿佛又其甚焉者見春秋之世臣弑其
君子弑其父兵戈日尋於中國而頹敗之風大作
於鄭衛齊陳王化所覃及之境於是有憤世嫉邪
之心思欲絕類離倫而立於獨者此佛之志也惡
天下之貪則以一切事故為虛幻惡天下之淫則
并妻子而去之惡天下之醜則斷葷茹菜以為賢

惡天下之僭則雖已有南面王之樂而不一朝居
之也惡天下之爭則人有患難捐軀以救而不恤
推此意也則佛所謂賢智者也其為孔子之所進
蓋未可知矣彼學佛者其善惡固與齊民相等善
者存之不善者去之法之正也今天下之人其為
不善者不少輕於自恕而一切歸咎於佛雖大儒
君子亦往往原心於渺忽析理於毫芒而與學佛
者角勝負無乃不考之過歟余非知佛者特以佛
氏之本旨易知者述而明之又聞昔宗顛禪師有

頌云天生三武禍吾宗釋子還家塔寺空應是當
年崇奉日不能清儉守真風夫沙門法者不住資
生行乞取足日中受供林下托宿故趙州以斷薪
續牀藥山以三篋繞腹概可見矣又唐李文公問
藥山禪師曰如何是黑風吹船飄落鬼國師曰李
翱小子問此何為文公怫然怒於色師笑曰此便
是黑風吹船飄落鬼國也以此推之則知利欲熾
然即是火坑貪愛沉溺便為苦海苟一念清淨則
烈焰成池矣苟一念警覺則船到彼岸矣災患纏

身隨遇而安我無怖畏如械自脫也惡人侵凌待以橫逆我無忿嫉如獸自奔也作如是觀則普陀大士真實為人非浪語矣嗚呼學佛者苟以宗頤之心為心則佛之徒亦斯世之所不可少論佛者苟以藥山之言為言則佛之法亦吾儒之所不可斥敢以是為記萬歷十六年歲次戊子秋香林寺盤山東二十里翁同鶴泉流峙左右藪亭之勝概也明天順中蘊空禪師重脩萬歷七年己卯又葺康熙中僧心安再新

馬有經重脩香林寺大悲菩薩殿碑記夫寺稱古刹佛號觀音而曰大悲者仁慈之德也而其千手者圓化之象也何以知其然耶蓋聞魯隕恒星佛體始降漢傳吉夢大道昉殷故摩騰天竺白馬馱經釋迦祇園黃金布地於是梵宮精舍星列於人寰紺宇緇廬雲興於華夏此寺之所由始而刹之所以稱古也觀音妙義誠非蠡測而知耳餐膚談敢贅管窺之見夫音維聽而非觀也色維觀而非聽也可聽則有聲可觀則有色今不言觀世色而

曰觀世音不言聽世音而曰音可觀豈非兩目不見物五蘊悉皆空觀為妙觀音為妙音以為佛號不亦然乎慈航泛海度一切之苦厄揚枝淨水脫萬劫之灾危隨緣應質百億化身雖滅度而歸空又垂儀而覺世語其大則虛空徧滿語其小則絲髮難容謂為仁慈之德圓化之象也非歟乃茲香林亦初自漢繕自唐宋迨於我明正統之間常為葺焉相距漁陽約二里許東則缺嶺龍蟠西則漁山鳳翥後則巍峰直矗南望則平臯超忽每至太

昊司令勾芒御辰嘉木蒼鬱芷蘭郁芬而有綺紈翠飾結駟聯珮禮旃檀而勻福向法筵而祈利簇曇花翻貝葉掩映般若之前誦揭諦諷薩埵娑娑浮屠之側盖突兀於崗陽為隨喜之勝地邈不知其若干歲也值今上之三十四載又將百數十年矣奈何日月易邁殿宇漸爾頽頽風雨迭侵椽椽由是毀棄菩提兜率惟餘挂月之藤蘿淨土化城空對摧霜之蒿棘沙門闐其無人香積塵封檀那蕭然絕跡禪闕雲扃噫寺幾廢矣誰能興之董君

懋脩浙人京產以從事於司農故僑寓於是郡銓
期尚遠暇日旋登周覽惕衷遂發重脩之願捐資
倡首亟邀同志之朋是以陳君忠蕭君應兆等各
有所施共扶勝舉因基就制揆日鳩傭經始於丙
午之二月落成於戊申之四月曾不二歷於璣衡
頓復三千之金界丹青絢綵煥自在之慈容珠璧
輝煌現原來之寶相繡幢飄而嵐影齊飛玉磬響
而谷聲相接琉璃燈燦夜分皎月之光翠篆香浮
曉雜祥雲之色於是乎靈刹更新沙門載盛涅槃
安侑永保聖壽之無疆善信歸依將錫福祿於何
限然而衆既勞止安可無記用鐫貞珉以垂永世
萬歷三十九年歲次辛亥季春月
王中漢游香林寺詩塞北山高月上低月當明處
與山齊漁陽城外香林寺映月排山水半谿
靜安寺在白蠟寺東十里舊名醴泉院遼道宗賜額
淨名寺金大定中改名
日照寺金大定九年進士孫設撰記舊名翁同山院
有地藏殿圓覆法師塔上藏佛牙二具正德中道

五士盧永康居之更為脩葺今名府君山
靈隱寺在崆峒山東北今圯

右龍泉寺以下諸刹舊志所有皆係附近盤山不
應並列故別載於後
靜室

五盆靜室在五盆溝北今圯

西架靜室在上方寺西康熙中通起重脩

東架靜室在上方寺東今圯

黑石塢靜室在上方寺東南一里今圯

盤山志

卷之六

茶子菴東靜室康熙中僧百忍建今圯

中盤西靜室凡三處

少林東靜室在少林寺東南一里蹟重脩

九兒峪靜室在雲淨寺南二里

廟

關帝廟有四一在盧家峪村中一在田家峪西一在

塢院莊一在瓌紫峪善壽祇育智辯並盤山不

藥王廟在瓌紫峪今圯今圯

五道廟在玉石庄東今圯

